

商隱集

Handwritten text in a cursive script, likely a historical document or manuscript. The text is written on aged, stained paper and is organized into several lines. The script is highly stylized and difficult to decipher, but appears to be a form of shorthand or a specific dialect. The document is heavily damaged, with significant staining and wear, particularly along the edges and in the center. The text is written in dark ink, and the paper is a light brown/tan color. The overall appearance is that of an old, well-used document.

卷二 / 四號

大正三年四月廿七日

韓京黃楊房

漢之俗名流

意注

高等法院

韓京西平會碑

錄

五言古詩

無題三首

戊辰會靜中出貽同志二十韻 宮中曲

和鄭愚贈汝陽王孫家箏妓二十韻

李肱所遺畫松詩書兩紙得四十韻

房中曲 春風

戲題樞言草閣三十二韻 驕兒詩

Handwritten text in a cursive script, likely a historical document or manuscript. The text is written on aged, yellowed paper with visible stains and a torn edge. The script is dense and flowing, characteristic of early modern European handwriting. The text is organized into several lines, with some lines starting with a large, decorative initial. The overall appearance is that of a well-preserved but clearly old document.

山義李

卷二ノ四張

意注

大正三年四月七日

新嘉坡高橋良吉

漢文傳名流

高等法院

碑西涯金鋒

Handwritten text in a cursive script, likely a historical document or manuscript. The text is written on aged, yellowed paper with visible stains and a torn edge. The script is dense and flowing, characteristic of early modern handwriting. The text is organized into several lines, with some lines starting with a large, stylized initial letter. The overall appearance is that of a well-preserved but aged historical document.

李商隱詩集目錄

卷第一

五言古詩

無題三首

戊辰會靜中出貽同志二十韻 宮中曲

和鄭愚贈汝陽王孫家箒妓二十韻

李肱所遺畫松詩書兩紙得四十韻

房中曲

春風

戲題樞言草閣三十二韻 驕兒詩

行次西郊作一百韻
井泥四十韻

効李長吉
効徐陵體贈更衣

代越公房妓嘲徐公主
代貴公子

卷第二

七言古詩

代贈
無題
日高
湖中曲

無愁果有愁曲
燒香曲
樓上曲

李夫人歌
韓碑
海上謠

燕臺詩四首

春

夏

秋

冬

七月二十八日夜與王鄭二秀才聽雨

後夢作

景陽宮井雙桐

偶成轉韻七十二句贈四同舍

安平公詩

射魚曲

河陽詩

贈荷花

卷第三

五言律詩

寄羅劭興

自喜

異俗二首

歸墅

楚澤

蟬

江亭散席循柳路吟歸官舍

河清與趙氏昆季燕集得擬杜工部

少將

寒食行次冷泉驛

陳後主宮

迎寄韓魯州詹同年

獻寄膺府開封公

崔處士

夜飲

十月中旬至扶風見梅花

江村題壁

楊本勝說於長安見小兒阿衮

江南曲

秋月

西掖翫月戲贈令狐舍人

晚晴

公子

春宵自遣

地膏羅 幽人哭劉司戶賁二首

街西池館 鄼杜馬上念漢書

桂林路中作 聞著明幽問哭寄溫

卿飛 陳後主宮 屬疾 明日

桂林 西溪 柳 垂柳 贈柳

謔柳 北禽 楚宮 石城

離思 風雨 槿花二首 閑遊

題李上暮壁 即日 秋日晚思

七夕偶題 幽居冬暮 寄華岳孫逸人

言集目錄
撰彭陽公誌文畢有感

過故崔衮海宅與崔明秀才話舊因寄
舊僚杜趙李三掾

故番禺侯以賊罪致不辜他日過其門

詠雲 夜出西溪 九月於東逢雪

僧院牡丹 送豐都李尉 訪隱

寓興 歸來 子直晉昌李花 寓目

登霍山驛樓 寄何水部馬郎中題

興德驛時昭義已平 朱槿花二首

卷第四

五言律詩

蠅蝶雞鸞鳳等成篇

和韓翃舍人即

事

于直金溪作

越燕二首

無題二首

蝶三首

落花

贈宗魯節竹枝

李花

壬申七夕

雨

菊

北樓

擬沈下賢

曉坐

終閣

別春

荷花

曉起

清河

壽安公主出降

明禪師院酬從兄見寄 寄裴衡

即日 淮陽路 風 洞庭魚

喜舍弟義叟及第上禮部魏公

哀等 自南山北歸經分水嶺

深樹見一顆櫻桃尚在

過姚孝子廬偶書 小桃園

和張秀才落花有感

昭肅皇帝挽歌詞三首 齊梁晴雲

所居 高松 訪秋 韶州

裴明府居止陸發荊南始至商洛

樂遊原贈子直花下小園獨酌

思歸向晚春遊離群俳諧

細雨商於新開路題鄭大有隱居

江上涼思鸞鳳因言

奉寄安國大師兼簡子蒙思賢頓

有懷平家溫鼎卿春深脫衣

五月六日夜憶往歲秋與澈師同宿

城上如有昔昌晚歸馬上贈

卷第五

五言排律

武侯廟古拓

戲贈張書記

西谿

和孫朴章淡孔雀詠

商於

酬令狐郎中見寄

碧瓦

玄微生先

謝先輩防記念拙詩甚多異言偶有此寄

別薛岩賓

腸

杏花

燈

獨居有懷

酬別令狐補闕

有感二首

崇讓宅東亭醉後有作

即日

鏡檻

聖女祠

魏侯第東北樓堂郢叔言別

靈仙閣晚眺寄鄭元章評事

賦得月照冰池

永樂縣所居一草一木無非自裁今年

仙春悉芳已茂自書即事一章

南潭上亭譙集以疾後至因而抒情

搖落

遠念

賦得桃李無言

喜雪

哭遂州蕭侍郎二十四韻

卷六

五言排律

興慶州楊侍郎虞卿

送李將軍赴闕五十韻

有懷寄秘閣舊僚二十六韻

憶雪

殘雪

大鹵平後移家到永樂縣居書懷十韻
自桂林奉使江陵途中感懷寄苗尚書
送從翁從東川弘農尚書幕

今月二日以詩干瀆伏蒙獎踰其實輒

復五言四十韻詩一章獻上

五言述德抒情獻上杜七兄僕射相公

夜思

寓懷

木蘭

細雨成詠獻尚書河東公

病中開河東公樂營置酒寄上擬志

謝杜桂林王彤庭竊詠

送從翁東川弘農尚書幕

卷第七

七言律詩

潭州

贈劉司戶賁

南朝

遠宦班徒西川 和令狐絢戲贈二首

隋宮 寄筆驛 九成宮 馬嵬 茂陵

碧城三首 題僧壁 飲席戲贈同舍

令狐八拾遺 絢見招送裴十四歸華州

荆門西下 藥軒 富平少侯

少年 促漏 聞歌 錦瑟

寫意 哭劉蕡 重過聖女祠

重有感

杜工部蜀中離席

二月二日

深宮

留贈畏之

對雪二首

牡丹

聖女祠

野菊

與同年李定言曲水別語 子初郊墅

并終

宋玉

贈別前荊州契苾使元

送戶部李郎中

中元

蔭宮守歲

天平公座中呈令狐公

寄令狐學士

題劍門先寄司徒杜公

漢南書事

當句有對

隨師東征

韓同年新居餞韓西迎家室戲贈

奉和太原公送前楊秀才

正月崇讓宅

奉同諸公題河中仁中丞

過故府中武威公舊莊

贈田叟

和人題真娘墓

人日即事

和馬郎中移白菊見示

贈茅山高拾遺二首

喜聞太原同院崔侍御臺

卷第八

七言律詩

柳 玉山

贈華陽宋真人

詠史

回中牡丹爲雨所敗二首

利州江潭作

赴職潼梓留別畏之

三十二兄與畏之相訪招飲

曲池

蜂

辛未七夕

春日寄懷

和劉評事永樂閑居見寄 無題七首

一片

酬崔八早梅有贈

可歎

臨發崇讓宅紫薇

及第東歸寄同年

過尹僕射舊宅

銀河吹笙

戲贈任秀才

春雨

宿晉昌亭聞鶯禽

題白石蓮花寄楚公

楚宮二首

鄭州獻從叔舍人安定城樓

即日

和韓錄事送宮人入道

淚

十字水期韋潘侍郎不至

流鶯

七月二十九日崇讓宅宴作

贈從兄闌之

行至金牛驛寄與元渤海尚書

梓州罷吟寄同舍

昨日

汴上送李郢之蘇州

贈鄭讜處士

復至裴明府所居

覽古

曲江

九日謁令狐綯不見

贈司勳杜十三員外

題道靖院

題小松

六齋

贈趙協律招

章野人幽居

感興寄友

卷第九

五言絕句

柳枝五首

有序

聽鼓漫成二首

柳下暗記

登樂遊原

悼傷後赴東蜀辟至散關遇雪

滯雨

早起

巴江柳

微雨

妓席

風

代應

張惡子廟

百果嘲櫻桃

櫻桃答

韞

追代盧家嘲堂內

天涯

細雨

歌舞 房君珊瑚散 嘲櫻桃

自貶 蝶 夜意 李夫人二首

高花 嘲桃

餞席重送從叔余之梓州 憶梅

七言絕句

漢宮詞 宮詞 龍池 瑤池 咸陽

過楚宮 過華清內廐門 賈三

夜雨寄北 宿駱氏亭寄崔雍

訪隱者不遇成二絕 破鏡 人欲

華山題王母祠 北齊二首 蝶二首

渾河中 憶匡一師 寄令狐郎中

昨夜 種花 夕陽樓 東還

端居 遊靈伽寺 嫦娥 宮妓

寄成都高苗二從事二首

同崔八詣藥山訪融禪師 馬嵬

望喜驛別嘉興一首 樂遊原 爲有

夜半 贈宇文中丞 寄永道士

華州周大夫宴席上 銓 荊山

次陝州先寄源從事 過鄆廣文舊居

東下三旬苦控風土馬上藏竹

夢今經學士 滌洛川

寄在朝鄭曹獨孤李四同年 南朝

代董秀才知府 別智玄禪師

贈孫綰新及第 代秘書贈諸校書

亂石 即日 殘花 天津西望

海客 初食筍至座中 寄蜀客

海上 白雲夫舊居 到秋

華岳下題西王母廟

丹丘

鳳

病中早訪招國李十將軍

櫻桃花下

故驛迎弔故桂府常侍有感

暮秋獨遊曲江

任弘農尉獻州刺史

贈勾芒神

月夜重寄宋華陽姊妹

雨中長樂水館送趙十五滂不及

池邊寄惱韓同年時韓住蕭洞二首

謁山

釣天

卷第十

七言絕句

石榴

初起

謝書

杜司勳

岳陽樓二首

送王三十校書分司

華師

楚吟

席上作

三月十九日流盃亭

花下醉

贈歌妓二首

夢澤

屏風

四皓廟二首

有感二首

西亭

月夕

偶題二首

公子

春日

贈白道者

隋宮

贈庾十二朱版

詠史

東阿王

李衛公

吳宮

霜月

鵲

金燈花

柳三首

代應二首

日射

賦得雞

明神

離亭賦得折楊柳二首

王昭君

送秦師二首

代贈二首

閨情

莫愁

齊宮詞

驪山有感

日日

訪人不遇留別館

無題二首

過招國李家南園二首

留贈畏之二首 梓潼望長卿山至巴

西復懷譙秀 青陵臺 蜀桐

漢宮 華清宮二首 洛陽 陽城

飲席代官妓贈兩從事 代魏官私贈

代元城吳令暗為答 灞岸 七夕

題漢祖廟 韓冬郎即席為詩相送

因成二絕寄酬 評事翁寄賜餽粥

過景陵 板橋曉別 關門柳 楚宮

鴛鴦 妓席送獨孤雲之武昌

武夷山

一片

相思

送鄭大台文南觀

舊額

韋蟾

縣中偶飲席上戲題贈稷山驛吏王全

和韋潘夜泊池州

所居永樂縣父旱縣宰祈禱得雨因賦詩

正月十五夜聞京師有燈恨不得觀

月

夜吟

城外

景陽井

李商隱詩集目錄

李商隱詩集卷第一

五言古詩 十七

無題三首

八歲偷照鏡長眉已能畫十歲去踏青芙蓉
作裙帶十二學彈箏銀甲不會卸十四藏六
親懸知猶未嫁十五泣春風背立歎嚶下一立

升月作

近知名阿侯住處小江流腰細不勝舞眉長
唯是愁黃金堪作屋何不作重樓

幽人不倦賞秋暑貴招邀竹碧轉張望池清
尤寂寥露花終衰濕風蝶強嬌繞此地如鸞
手兼君不自聊

戊辰會靜中出貽同志二十韻

大道諒無外合越自登真丹元子何索在已
莫問鄰舊璨玉琳華翱翔九真君戲擲萬里
火聊召六甲旬瑤簡被靈誥持符開七門金
鈴攝群魔絳節何飈飈吟弄東海若倚笑扶
桑春三山試延視九州揚一塵我本玄元胤

稟華由上津中迷鬼樂道沉爲下土民託質
屬太陰鍊形復爲人誓將覆宮澤安此真與
神龜山有慰薦南真爲彌綸玉管會玄圃火
棗承天姻科車過故氣侍香傳靈芬飄飄被
青霓嫋娜佩紫絃林洞何其微下仙不與群
丹泥因未控萬劫猶逡巡薊蕪旣已薙丹臺
永無因相期保妙命騰景侍帝宸

宮中曲

雲母瀟宮月夜夜白於水賺得羊車來低扇

詩集卷一
遮黃子水精不覺冷自刻鴛鴦翅
蠶縷茜香
濃正朝纏左臂巴牋兩三幅滿寫承恩字欲
得識青天非夜蒼龍是

和鄭愚贈汝陽王孫家箏妓二十韻

冰霧怨何窮秦絲嬌未已寒空煙霞高白日
一萬里碧嶂愁不行濃翠遙相倚茜袖捧瓊
姿皎日丹霞起孤耿長幽寂西風吹白芷迴
首蒼梧深女蘿閉山鬼荒郊白鱗斷別浦晴
霞委長豹豎河心白道連地尾秦人昔富家

綠窓聞如旨鴻鴈背飛象牀殊故里因令
五十絲中道分宮徵斗粟配新聲娉姪徒織
指風流大堤上悵望白門裏蠹粉實雌絃燈
火冷如水羗管促蠻柱從醉吳宮耳滿內不
掃眉君王對西子初花慘朝露冷臂淒愁髓
一曲送連錢遠別長於死玉砌御紅蘭粧窓
結碧綺九門十二關清晨禁桃李

李肱所遺畫松詩書兩紙得四十韻

百草已涼露開圖披古松青山徧滄海此樹

生何峯孤根邈無倚直立撐鴻濛端如君子
身挺若壯士胃膠枝勢夭矯忽欲蟠擎空又
如驚螭走獸與奔雲逢孫枝擢細葉旖旎孤
裘茸鄒顛縛髮軟酈姬眉黛濃視久眩目睛
倏忽變輝容竦削正稠直婀娜旋敷華又如
洞房冷翠被張穹窿亦若暨羅女平旦粧顏
容細疑襲氣切猛若爭神功燕雀固寂寂霧
露常衝衝香蘭媿傷暮碧竹慙空中可集呈
瑞鳳堪藏行兩龍淮山桂偃蹇蜀郡桑重童

枝條亮眇脆靈氣何由同昔聞咸陽帝近說
務山儂或著佳人號或以大夫封終南與青
郡煙雨遙相通安知夜夜意不起西南風羨
人昔清興重之猶月鍾寶笥十八九香緹千
萬重一旦鬼瞰室稠疊張蠶罫赤羽中要害
是非皆忽忽生如碧海月死踐霸郊蓬平生
握中翫散失隨奴僮我聞照妖鏡及與神劍
鋒寓身會有地不爲凡物蒙伊人秉茲圖顧
眄擇所從而我何爲者開懷捧靈蹤報以漆

鳴琴懸之真珠櫳是時方暑夏座內若嚴冬
憶昔謝四騎學仙王陽東千株盡若此路入
瓊瑤宮口詠玄雲歌手把金芙蓉濃譎深霓
袖色映琅玕中悲哉墮世網去之若遺弓形
魄天壇上海日高瞳瞳終朝紫鸞歸持寄扶
桑翁

房中曲

薔薇泣幽素翠帶花錢小嬌郎癡若雲抱日
西簾曉杭是龍宮石割得秋波色玉簫失柔

膚但見家羅壁憶得前年春未語悲含辛歸
來已不見錦瑟長冰入今日澗底松明月山
頭蘂愁到天地翻相看不相識

春風

春風雖有好春物大昌昌若教春有意唯遣
一枝芳我意殊春意先春已斷腸

戲題樞言草閣三十二韻

吾家在河北我家在山西百歲本無業陰陰
仙李枝尚書文與武戰罷幕府開君從渭南

至我自仙遊來平昔苦南北動成雲雨乖違
今兩葉寺對若床下鞵夜歸碣石館朝上黃
金臺我有苦寒調君抱陽春才年顛各少壯
髮綠齒尚齊我雖不能飲君時醉如泥觴政
籌書簡退食多相携歸掠走馬路整頭射雉
翳春風二三月柳密鶯正啼清河在門外上
與浮雲齊歌冠調玉琴彈作松風哀又彈明
君怨一去怨不迴感激坐者泣起視鴈行低
翻憂鹽山雷却雜胡沙飛仲寒銅琶琵琶頓直

聲淒淒上貼金捍撥盡爲承露雞君時卧橫
觸勸客白玉盃苦云年光疾不飲將安歸我
賞此言是因循未能諧君言中聖人坐卧莫
我違榆莢亂不整揚花飛相隨上有白日照
下有東風吹青樓有美人顏色如玫瑰歌聲
入青雲所痛無良媒少年苦不久顧慕良難
哉後令真珠牀裏入珊瑚腮君令上少安聽
我苦吟詩古詩何人作老大猶傷悲

驕兒詩

哀師我驕兒羨秀乃無匹文祿未周時固已
知六七四歲知姓名眼不視梨栗交朋頗窺
觀謂是丹穴物前朝尚器貌流品方第一不
然神仙姿不爾燕鶴骨安得此相謂欲慰衰
朽質青春好和月朋戲渾甥姪繞堂復穿林
沸若金鼎溢門有長者來造次請先出客前
問所須含意不吐實歸來學客面闕敗秉爺
笏或謔張飛胡或笑鄧艾吃豪鷹毛化
劣良直猛馬氣佶僇離前截得青簪于君簪

騎走恣唐突忽復學參軍按聲喚蒼鶻又復
紗燈傍舊首禮夜佛仰鞭骨珠網俯首飲花
密欲爭蛺蝶輕未謝柳絮疾堦前逢阿姊六
甲頗輸失凝走弄香奩拔腕金屈戌掩待多
反倒威怒不可律西躬牽窓網略唾拭琴漆
有時看臨書挺立不動膝古錦請裁衣玉軸
亦欲乞請爺書春勝春勝宜春日芭蕉斜卷
綫辛夷低過筆爺昔好讀書懇苦自著述焦
悴欲四十無肉畏齒乳見慎勿學爺讀書求

甲乙穰苴司馬法張良黃石術便爲帝王師
不暇更纖悉況今西與北羌戎正狂悖誅赦
兩未成將養如探疾兒當速成大攫雛入虎
窟當爲萬戶侯勿守一經說

行次西郊作一百韻

蛇丘建午月我自梁還秦南下大散嶺北濟
渭之濱草木半舒拆不類冰霜晨又無夏苦
熱焦卷無芳津高田長擗捩下田長荊榛農
具棄道旁飢牛死空墩依依過村落十室無

一存存者背面啼無衣可迎賓始若畏入問
及門還具陳右輔田疇薄斯民嘗苦貧伊昔
稱樂土所賴牧伯仁官清若冰玉吏善如六
親生兒不遠征生女事四鄰濁酒盈瓦缶爛
穀堆荆困健兒庇旁婦衰翁舐童孫况自貞
觀後命官多儒臣例以賢牧伯徵入司陶鈞
降及開元中姦邪撓經綸晉公忌此事多錄
邊將勲因令猛毅輩雜牧昇平民中原遂多
故除授非至尊或出幸臣輩或由帝戚忌中

原因屠解奴隸厭肥勝皇子棄衣乳椒房抱
羗渾重賜竭中國強兵臨北邊控弦二十萬
長臂皆如猿皇都二千里來往同鵬鳶五里
一換馬十里一開筵指顧動白日暖三迴蒼
旻公卿辱嘲吒唾棄如糞丸大朝會萬方天
子正臨軒綵旆轉初旭玉座當祥烟金障旣
特設珠簾亦高褰將湏褰不顧坐在御榻前
忤者死跟履附之昇頂顛華侈矜遮衛豪俊
相併吞因失生惠養漸見徵求頻奚寇西北

來揮霍如天翻是時正忘戰重兵多在邊列
城遶長河平明捕旗旛但聞虜騎入不見漢
兵屯大婦抱兒哭小婦攀車轡生小太平年
不識夜閉門少壯盡點行疲老守空村生分
作死誓揮淚連秋雲廷臣例塵怯諸將如羸
奔爲賊掃上陽捉人送潼關玉釐望南斗未
知何日旋誠知開闢久遘此雲霄屯送者問
鼎大存者要高官搶攘兵間謀孰辨皇與鸞
千馬無返轡萬車無還轅城空雀鼠死入土

豺狼喧南資竭吳越西費失河源因今石藏
庫推毀惟空垣如人當一身有左無右邊筋
體半痿痺肘腋生臊臙列聖蒙此恥念懷不
能宣謀臣拱手立相戒無敢先萬國因杼軸
內庫無金錢健兒立霜雪腹歉衣裳單饋餉
多過時高估銅與鉛山東望河北饑煙猶相
聯朝廷不服給辛苦無半年行人擢行資居
者稅屋椽中間遂作梗狼籍用戈鋌臨門送
節制以錫通天班破者以族滅存者尚近延

禮數異君父，霸縻如羗零。直求輸赤誠，所望
大體全。巍巍政事堂，宰相厭八珍。敢問下執
事，今誰掌其權？瘡疽幾十載，不敢扶其根。國
蹙賦更重，人稀役彌繁。近年牛醫兒，城社更
扳緣。盲目把大旆，處此京西藩。樂禍志怨敵，
樹黨多狂狷。生爲人所憚，死非人所憐。快刀
斷其頭，列若猪羊懸。鳳翔三百里，兵馬如黃
巾。夜半軍牒來，屯兵萬五千。鄉里駭供億，老
少相扳牽。兒孫生未孩，棄之無慘顏。不復議

所適但未死山間爾來又三歲甘澤不及春
盜賊亭午起問誰多窮民節使殺亭吏捕之
恐無因咫尺不相見早久多黃塵官健腰佩
刀自言爲宮廵常恐值荒迥此輩還射人媿
客問本末願客無因循郡塢抵陳倉此地立
黃昏我聽此言真冤憤如相焚昔聞舉一會
群盜爲之奔又聞理與亂繫人不繫天我願
爲此事君前剖心肝叩額出鮮血滂沱汚紫
宸九重黯已隔涕泗空沾唇使典作尚書廝

養爲將軍慎勿忽此道此言未忍聞

井泥四十韻

皇都依仁里西北有高齋昨日主人治井
堂西陲工人三五輩出土與翻瓦到水不數
尺積共庭樹齊宅日井甃畢用工益作堤曲
隨林掩映繚以池周廻下去冥冥穴上承雨
露滋寄詞別地脉因言謝泉鼎騰不自意
疇昔怨已乖伊余揮行軼行初來自西一日
下馬到此時芳草萋四山多好景旦暮雲霞

婆曉落花滿地幽鳥鳴何枝羅惺既已薦山
樽亦可開待得孤月上如與佳入夢因之感
物理惻愴平生懷茫茫此群品不定輪輿蹄
无得舜可禪不以瞽瞍疑禹竟代舜立其父
呼咈哉厥氏并六合所哀因不幸漢祖把左
契自言一布衣當途佩國璽本乃黃門携長
戟亂中原何妨起戎氏不獨漢王臣下亦
如斯伊尹佐興王不藉漢父讎磅礴老釣叟
坐爲周之師屠豹興販縉突起定傾危長沙

啓封上豈是出程姬帝問主人翁有自瓊珠
兒武自昔男子老苦爲人妻蜀王有遺魄今
在林中啼淮南雞舐藥翻向雲中飛大鈞運
群有難以一理推顧於冥冥內爲問東者誰
我恐更萬世此事愈云爲猛虎與雙翅更以
角副之鳳凰不五色聯翼上難栖我欲東鈞
者謁來與我偕浮雲不相顧寧欲誰爲梯
快夜參半但歌井中泥

効李長吉

長長漢殿眉窄窄楚宮衣鏡好寫空舞簾疎
燕誤飛君王不可問昨夜約黃歸

效徐陵體贈更衣

密帳真珠絡溫幃翡翠裝楚腰知便寵宮眉
正闔強結帶懸梳子繡領刺鴛鴦輕寒衣省
夜金斗熨沉香

代越公房妓嘲徐公主

笑啼俱不敢幾欲是衣聲遠遶離琴怨都由
半鏡明應防啼與笑微露淺深情

代貴公子

芳條得意紅飄落忽西東
分逐春風去風迴
得故叢明朝舍新露始看憶春風

李商隱詩集卷第一

國語集

卷一

李商隱詩集卷第二

七言古詩

代贈

楊柳路盡處芙蓉湖上頭雖同錦步障獨
眠鈿莖篋鴛鴦可羨頭俱白飛去飛來煙
雨秋

無題

何處哀箏隨急管櫻花永巷垂楊岸東家老
女嫁不售白日當天三月半漂陽公主年十
四清明暖後同墻看歸來展轉到五更梁間

燕子聞長嘆

日高

鍍鎖故錦輕拖玉符不動使門鎖水精眠
夢是何人攔藥日高紅影我飛香上雲春訴
天雲梯十二門九關輕身滅影何可望粉蛾
帖死屏風上

湖中曲

閭門日下吳歌遠陂路綠菱香風滿後谿暗
起鯉魚風船旂閃斷芙蓉艸輕身奉君畏身

輕雙撓兩漿尊酒清莫因風雨罷團扇此曲
斷腸惟此聲低樓小逕城南道猶自金鞍對
芳草

無愁果有愁曲

東有青龍西白虎中含福星包世度三壺渭
水笑清潭鑿天不到牽牛處麒麟踏雲天馬
嘶牛山撼碎珊瑚聲秋娥點滴不成淚十二
玉樓無故釘推煙唾月拋千里一番紅桐一
行死白楊別屋鬼迷人空留暗記如蠶紙日

暮向風牽短絲血凝血散今誰是

燒香曲

細雲蟠蟠牙比魚孔雀翹尾蛟龍鬚章宮舊
樣博山爐楚妃捧笑開芙蓉八蠶蠶錦小分
炷獸燄微紅隔雲母白天月澤寒未冰金虎
舍秋向東吐玉珮珂光銅照昏簾波日暮衝
斜門西來欲上茂陵樹栢梁已失我挑魂露
庭月井大紅氣輕衫薄細當君意蜀殿瓊人
伴夜深金鑾不問殘燈事何當巧吹君懷度

襟灰爲上填清露

樓上曲

鼉鼓沉沉虬水咽
秦絲不上蠶弦絕
嫦娥衣薄不禁寒
蟾蜍夜豔秋河月
碧城冷落空蒙煙
蘼輕幕重金鈎
欄靈香不下兩皇子
孤星直上指風竿
八桂林邊九枝支
草短襟小鬢相逢
道入門暗數一千春
願去閨年留月小
梳子交加香蓼繁
停辛佇苦留待君

李夫人歌

蠻絲繫條脫妍眼和香屑壽官不惜鑄南人
柔腸早被秋波割清澄有餘幽棄香鰓魚渴
風真珠房不知瘦骨類冰井更許夜簾通曉
霜土花漢碧雲茫茫黃河欲盡天蒼黃

韓碑

元和天子神武姿彼何人斯軒與羲誓將上
雪列聖恥坐法宮中朝四夷淮西有賊五十
載封狼生貙貙生羆不據山河據平地長戈
利矛日可麾帝得聖相曰裴度賊所不死神

扶持腰懸相印作都統陰風慘淡天王旗
武古通作牙爪儀曹外郎載筆隨行軍司馬
智且勇十四萬衆猶虎貌入蔡縛賊獻太廟
功無與讓恩不訾帝曰汝度功第一汝從事
愈宜爲詞愈拜稽首蹈且舞金石刻畫臣能
爲古者世稱大手筆此事不繫於職司當仁
自古有不讓言訖屢頷天子頤公退齋戒坐
小閣濡染大筆何淋漓點竄堯典舜典字塗
改清廟生民詩文成破體書在紙清晨再拜

鋪丹墀表日臣愈昧死上詠神聖功書之碑
碑高三文字如手負以靈鼇蟠以螭句奇語
重喻者少讒之天子言其私長繩百尺拽碑
倒麤砂大石相磨治公之斯文若元氣先時
已入人肝脾湯盤孔鼎有述作今無其器存
其辭嗚呼聖皇及聖相相與烜赫流淳熙公
之斯文不示後曷與三五相攀追願書萬本
誦萬過口角流沫右手胝傳之七十有三代
以爲封禪玉檢明堂基

晏子春秋
仲尼聖相

海上謠

桂水寒於江玉兔秋吟煙海底覓仙人香桃
如瘦骨紫雲不肯舞滿翅蓬山雪借得龍堂
寬曉出探雲鬢劉郎舊香炷立見茂陵樹零
孫帖帖卧秋煙上元細字如蠶眠

燕臺詩四首

春

風光待待東西陌幾日嬌魂尋不得蜜房羽
客類芳心冷葉倡條徧相識暖鶯輝遲桃樹

西高驪立共桃驪齊雄龍雌鳳杳何許絮亂
花繁天亦迷醉起微陽若初曙映簾夢斷聞
殘語愁將缺網罟珊瑚海濶天翻迷處雨衣
帶無情有寬窄春煙自碧秋霜白斫丹擘石
天不知願得天牢鎖冤魄夾羅委篋單綃起
香肌冷襯瑤瑤珮今日東風自不勝化作幽
光入西海

夏

前閣雨簾愁不卷後堂芳樹陰陰見石城景

物類黃泉夜半行廊空拓彈綾扇喚風闌闌
天輕帷翠幕波滿旋蜀魂寂寞有伴未夜夜
瘴花開木犀挂官流影光難取嬌薰蘭破輕
輕語直教銀漢墮懷中未遣星妃鎮來去濁
水清波何異源濟河水清黃河渾安得薄霧
起繡裙手接雲鬢呼太君

秋

月浪衝天天宇濕涼蟾落盡疎星入雲屏不
動掩孤嘖西樓一夜風箏急欲織相思花寄

遠終日相思却相怨但聞北斗聲迴環不見
長河水深淺金魚鎖斷紅柱春古時塵滿鴛
鴦茵堪悲小苑作長道玉樹未憐亡國人瑤
瑟悵悵藏楚弄越羅冷薄金泥重簾鉤鸚鵡
夜驚霜喚起南雲繞雲夢雙璫丁丁聯尺素
內記湘川相識處歌唇一世銜雨看可惜馨
香手中故

冬

天東日出天西下雌鳳飛飛女龍寡背溪白

石不相望堂中遠甚蒼梧野凍壁霜華交隱
起芳根中斷香心死浪乘畫舸憶蟾蜍月娥
未必嬋娟死葉管蠶絃愁一槩空城罷舞腰
肢在當時歡向掌中銷桃葉桃根雙姊妹破
鸞矮墮凌朝寒白玉燕釵黃金蟬風車雨馬
不持去蠟燭啼紅怨天曙

雄作

七月二十八日夜與王鄭二秀才聽雨

後夢作

初夢龍宮寶焰燃瑞霞明麗滿晴天旋成醉

倚蓬萊樹有箇仙人指我巖少頃遠聞吹細
管聞聲不見隔飛煙逡巡又過瀟湘雨雨打
湘靈五十絃瞥見馮夷殊悵望鮫綰休賣海
爲田亦逢毛女無憖極龍伯擎將華岳蓮恍
惚無倪明又暗低迷不已斷還連覺來正是
平堦雨獨背寒燈枕手眠

景陽宮井雙桐

秋落菱花乾玉盤明月蝕血滲兩枯心情多
去未得徒經白門伴不見丹山客未待刻作

人愁多有魂魄誰將玉盤與不死翻相誤天
更濶於江孫枝窺郎主昔妬鄰宮槐道類雙
眉歛今日繫紅櫻拋人占長簾翠襦不禁綻
留淚啼天眼寒灰却盡問方知石羊不去誰
相伴

偶成轉韻七十二句贈四同舍

沛國東風吹大澤蒲青柳碧春一色我來不
見隆準人瀝酒空餘廟中客征東同舍駕與
驚酒酣勸我懸征鞍藍山寶肆不可入玉中

仍是青琅玕武威將軍使中俠少年箭道驚
楊葉戰功高後數文章怜我秋齋夢蝴蝶詰
旦九門傳奏章高車大馬來煌煌路逢鄒枚
不暇揖臘月大雪過大梁憶昔公爲會昌宰
我時入謁虛懷待衆中賞我賦高唐迴看屈
宋由年輩公事武皇爲鐵冠歷廳請我相所
難我時顛顛在書閣卧枕芸香春夜闌明年
赴辟下昭桂東郊慟哭辭兄弟韓公惟上跋
馬時迴望秦川樹如蒼依稀南指陽臺雲紅

魚食鉤猿失群湘妃廟下已春盡虞帝城前
初日曠謝遊橋上澄江館下望山城如一彈
鷓鴣聲苦曉驚眠朱槿花嬌晚相伴頃之失
職辭南風破帆壞漿荆江中斬蛟破壁不無
意平生自許非匆匆歸來寂寞靈臺下著破
藍衫出無馬天官補吏府中趨玉骨疾來無
一把手封狴牢屯制囚直廳印鎖黃昏愁平
明赤怡使慘表上賀嫫姚收賊州舊山萬仞
青霞外望見扶桑出東海愛君憂國去未能

白道青松了然在此時
間有燕昭臺挺身東
望心眼開且吟王粲從軍樂
不賦淵明歸去來
彭門十萬皆雄勇
首戴公恩若山重
廷評日下握靈蛇
書記眠時吞綵鳳
之子夫君鄭與裴
何生謝舅當世才
青袍白簡風流極
碧沼紅蓮傾倒開
我生羸蹠不足數
梁父哀吟鴈鵠舞
橫行闊視倚公憐
往來筆力如牛弩
借酒祝公千萬年
吾徒禮分常周旋
收旗卧鼓相天子
相門出相光青史

安平公詩

故贈尚書韓氏

丈人博陵王名家憐我總角稱才華華州留
語曉至暮高聲喝吏放兩衙明朝騎馬出城
外送我習業南山阿仲子延岳年十六面如
白玉歆烏紗其弟炳章猶西非瑤林瓊樹含
奇花璵璠並列諸姪秀邈迤出拜何駢羅府
中從事杜與李麟角虎翅相過摩清詞孤韻
有歌響擊觸鐘聲鳴環珂三月石堤凍銷釋
東風開花滿陽坡時禽得伴戲新木其聲尖

咽如鳴梭公時載酒領從事踴躍鞍馬來相
過仰看樓殿撮清漢坐視世界如恒沙面熟
脚掉立登陟青雲表柱白雲崖一百八句在
貝葉三十三天長雨花長者子來輒獻蓋辟
支佛去空留靴公時受詔鎮東魯遣我草檄
隨軍牙顧我下筆即千字疑我讀書傾五車
吁嗟大賢苦不壽時世方亡無靈砂五月至
止六月病遽頽泰山驚逝波明年夜夢吊京
國宅破子毀哀如何西風衝戶卷素帳隙光

斜照舊燕窠古人常嘆知己少況我淪賤艱
虞多如公之德世一二豈得無淚如黃河瀝
膽呪願有天眼君子之澤方滂沱

射魚曲

思牢弩箭磨青石繡領蠻渠三虎力尋潮背
日伺汨鱗貝闕夜移鯨失色纖纖粉黛馨香
餌綠鴨迴塘養龍水含冰漢語遠於天何由
迴作金盤死

河陽詩

黃龍搖溶天上來玉樓影近中天臺龍頭瀉
酒客壽盃主人淺笑紅玫瑰梓澤東來七十
里長溝複塹埋雲子可惜秋眸一顰光漢陵
走馬沙塵起南浦老魚腥古涎真珠密字笑
零篇湘中寄到夢不到哀容自去拋涼天憶
得蛟絲裁小掉蛺蝶飛迥衣絲薄綠繡笙裏
不見人一口紅霞夜深嚼幽蘭泣露新香死
畫圖淺縹松溪水楚絲微覺竹枝高半曲新
詞寫縣紙巴西夜市紅守宮後房點臂班班

紅堤南渴鴈自飛以蘆花一夜吹西風曉
簾串斷蜻蜓翼羅屏但有空青色玉灣不釣
三千年蓮房暗被蛟龍惜濕銀注鏡井口平
鸞釵映月寒鐙鐙不知桂樹在何處仙人不
下雙金莖百尺相風插重屋側近嬌紅伴素
綠百勞不識對月郎湘竹千條爲一束

贈荷花

世間花葉不相倫花入金盆葉作塵惟有綠
荷紅菡萏卷舒開合任天真此花此葉長相

映翠減紅衰愁殺人

李商隱詩集卷第二

李商隱詩集卷第二

五言律詩

寄羅劭興

棠隸黃花發忘憂碧葉齊
人閑微病酒燕重遠嫌泥
混沌何由鑿青冥未有梯
高陽舊徒侶時復一相携

自喜

自喜蠅止金燕燕子巢
綠筠遺粉簪紅紫綵
香煙過遙知寒魚來
且佐庖但行成醉

酹陽壁有松醪

異俗二首

時從事員唐

鬼言朝朝避春寒夜夜添未驚雷破柱不報
水齏簷虎箭侵膚毒魚鉤刺骨銛烏言成謀
詐多是恨形擔
戶盡懸秦網家多事越巫未曾容獺祭只是
縱猪都點對連鰲餠搜求縛虎符賈生兼事
鬼不信有洪爐

歸墅

行李踰南極旬時到舊鄉
楚芝應徧紫湘橘
未全黃
渌村春急旗高社酒香
故山歸夢
喜先入讀書堂

楚澤

夕陽歸路後
霜野物聲乾
集鳥翻魚鱗
殘虹拂馬鞍
劉楨元抱病
虞寄數辭官
自拾經年
卷西來及早寒

蟬

本以高難飽
徒勞恨費聲
五更疎欲斷
一樹

碧無情薄宦梗猶泛故園燕已平煩君最相
警我本舉家清

江亭散席循柳路吟歸官舍

春詠敢輕裁銜辭入半盃已遭紅映柳更被
雪藏梅寡和真徒忝殷勤動即來從詩得何
報唯看二毛催

河清與趙氏昆季燕集得樹杜工部

勝槩殊江右佳名逼渭川虹收青嶂雨鳥沒
夕陽天客鬢行如此滄江坐渺然此中真得

地漂蕩釣魚舩

少將

族亞齊安陸風高漢武威烟波別墅醉花月
後門歸青海聞傳箭天山報合圍一朝獲劍
起馬上疾如飛

寒食行次平泉驛

歸途仍近節旅宿倍思家獨夜三更月空庭
一樹花外山當驛秀汾水遠關斜日怯春寒
苦那堪禁火賒

陳後主宮

玄武開新苑
龍舟燕幸頻
渚蓮叅法駕
沙鳥犯鈞陳
壽獻金莖露
歌翻玉樹塵
夜來江令醉
別記宿臨春

迎寄韓魯州詹同年

積雨晚騷騷
相思正鬱陶
不知人萬里
時有燕雙高
寇盜纏三輔
莓苔滑百牢
聖朝推衛霍
歸日動仙曹

獻寄膺府開封公

幕府三年遠春秋一字褒書論秦逐客賦續
楚辭騷地理南溟濶天文北極高酬恩撫身
世未覺勝鴻毛

崔處士

真人塞其門夫子入於機未肯投竿起唯歡
負米歸雪中東郭履堂上老萊衣讀徧先賢
傳如君事者稀

夜飲

卜夜客衣殘開筵屬異方燭分歌扇淚雨送

酒船香江海三千客乾坤百戰場誰能醉
醉卧劉清潭

十一月中旬至扶風見梅花

運路亭亭豔非時裊裊香素蛾唯與月言笑
不饒霜贈遠虛盈手傷離適斷腸爲誰成早
秀不待作辛芳

江村題壁

沙岸竹森森
魚聽越禽數家同老壽一徑
自陰深
喜客常留
橘應官說採金傾壺真得

地愛日靜霜砧

楊本勝說於長安見小兒阿衮

問君來日下見我最嬌兒漸大啼應數長貧
學恐遲寄人龍種瘦失母鳳雛癡語罷城邊
角青燈兩鬢絲

江南曲

郎船安兩槳儂舸動雙橈掃黛闌宮額裁裙
約楚腰垂期方積思臨醉欲拌嬌莫以採菱
唱欲羨秦臺蕭

秋月

池上與橋邊難忘復可憐
簾開最明夜簾卷
已涼天流處水花急吐時雲葉
鮮姮娥無粉黛只是遲遲娟

西掖翫月戲贈令狐舍人

昨夜玉輪明傳聞近太清
涼波冲碧瓦曉暈落金莖
露索秦宮井風絃漢殿
箏幾時縣竹頌擬薦子虛名

晚晴

深居俯夾城春去夏猶清天意怜幽草人間
重晚晴併添高閣迥微注小窻明月鳥巢乾
後歸飛體更輕

公子

一盞新羅酒凌晨恐易銷歸應衝鼓半去不
待笙調歌好唯愁和香穠豈惜飄春場鋪艾
帳下馬知媒嬌

春宵自遣

地勝遺塵事身閑念歲華晚晴風過竹深夜

月當花石亂知泉咽苔荒任徑斜陶然恃琴
酒忘却在山家

地青蘿

殘陽西入崦茅屋訪孤僧落葉人何在寒雲
路幾層獨敲初夜磬閑倚一枝藤世界微塵
裏吾寧愛與憎

幽人

丹竈三年火蒼崖萬歲藤樵歸說逢虎棋罷
正留僧星斗同秦分人煙接漢陵東流清渭

古不盡照衰興

哭劉司戶黃二首

離居星歲易失望死生分酒甕凝餘桂書籤
吟舊芸江風吹鴈急山木帶蟬曛一叫千迴
首天高不爲聞

有美扶皇運無誰薦直言已爲秦逐客復作
楚冤魂塗甫應分派荆江有會源併將添恨
淚一洒問乾坤

街西池館

白閣他年別朱門此夜過疎簾留月魄珍簟
接煙波太守三刀夢將軍一箭歌國租客客
旅香熟玉山禾

鄠杜馬上念漢書

一云五陵懷古

世上蒼龍種人間武帝孫小來唯射獵興罷
得乾坤渭水天開苑咸陽地獻原英靈殊未
已一傳漸華軒

桂林路中作

地煖無秋色江晴有暮暉空餘蟬嘒嘒猶向

客依依村小犬相護沙平僧獨歸欲成西北
望又見鷓鴣飛

聞著明幽問哭寄溫飛卿

昔歎讒銷骨今傷淚滿膺空餘雙玉劍無復
一壺冰江勢翻銀漢天文露玉繩何因携庾
信同去哭徐陵

陳後主宮

茂苑城如畫閣門瓦欲流還依水光殿更起
月華樓侵夜鷺開鏡迎冬雉獻裘從臣皆半

醉天子正無愁

屬疾

許靖獨羈宦安仁猶悼亡茲辰聊屬疾何日
免殊方秋蝶無端麗寒花更不香多情真命
薄容易即迴腸

明日

天上參旗過人間燭焰銷誰言整雙履便是
隔三橋知處黃金鎖曾來碧綺寮凭欄明日
意池濶雨蕭蕭

桂林

城窄山將壓江寬地共浮
東南通絕域西北有高樓
神護青楓岸龍移白石湫
殊鄉竟何禱簫鼓不曾休

西溪

近郭西溪好誰堪共酒壺
苔吟防柳禪多淚怯楊朱
野鷗隨君子寒松揖大夫
天涯長病意岑寂勝歡娛

柳

言集卷三
動春何限葉撼曉幾多枝解有相思否應無
不舞時絮飛藏皓蝶帶弱露黃鸝傾國宜通
體誰來獨賞眉

垂柳

娉婷小苑中婀娜曲池東朝珮皆垂地僊衣
盡帶風七賢寧占竹三品且饒松腸斷靈和
殿先皇玉座空

贈柳

章臺從掩映郢路更參差見說風流極來當

婀娜時橋迴行欲斷擬遠意相隨忍放花如
雪青樓撲酒旗

詭柳

已帶黃金縷仍飛白玉花長時須拂馬密處
少藏鴉眉細從他欽腰輕莫自斜玳梁誰道
好偏擬映盧家

北禽

爲戀巴江暖無辭瘴霧蒸縱能憐杜宇可得
羨蒼鷹石小虛填海蘆鉗未破矰知來有旣

鵲何不向離陵

楚宮

複壁交青瑣垂簾掛紫繩如何一柱觀不礙
九枝燈扇薄常規月釵斜只鏤冰歌成猶未
唱秦火入夷陵

石城

石城誇窈窕花縣更風流葦冰去聲將飄枕簾
烘不隱鈎玉童收夜鑰金秩守更籌共笑鴛
鴦綺鴛鴦兩白頭

離思

氣盡前溪舞心酸子夜歌峽雲尋不得溝水
欲如何朔鴈傳書絕湘篴染淚多無由見顏
色還自託微波

風雨

淒涼寶劍篇羈泊欲窮年黃葉仍風雨青樓
自管絃新知遭薄俗舊好隔良緣心斷新豐
酒銷愁斗幾千

槿花二首

燕體傷風力難香積露文殷鮮一相雜啼笑
兩難分月裏寧無妨雲中亦有君三清與仙
島何事亦離群
珠館熏然久玉房梳掃餘燒蘭纔作燭展錦
不成書本以亭亭遠翻嫌脉脉踈迴頭問殘
照殘照更空虛

閑遊

危亭題竹粉曲沼嗅荷花數日同携酒平明
不在家尋幽殊未極得句已堪誇強下西樓

去西樓倚暮霞

題李上簪壁

舊著思玄賦新編雜擬詩江亭猶近別山舍
得幽期嫩割周顒韭肥烹鮑照葵飽聞南蜀
酒仍及潑醅時

即日

桂林聞舊說曾不異炎方永考功有小山響長安之句
匡牀語花飄度臘香幾時逢鴈足暑處斷猿
腸獨撫青青桂臨城憶雪霜

詩集卷三
十二
秋日晚思

桐槿日零落雨餘方寂寥
枕寒莊蝶去窻吟
胤螢銷取適琴將酒忘名
牧與樵平生有遊
舊一一在煙霄

七夕偶題

寶婺搖珠珮嫦娥照玉輪
靈歸天上匹巧遺
世間人花果香千戶笙竽溢
四鄰明朝曬犢
鼻方信阮郎貧

幽居冬暮

羽翼摧殘日郊園寂寞時
曉雞驚樹雪寒鷺守冰池
念景修云暮頽年浸已衰
如何匡國念不與風心期

寄華岳孫逸人

靈岳幾千仞老松逾百尋
攀崖仍躡壁嗽壑集復眠
陰海上呼三鳥齋中戲五禽
唯應逢阮籍長嘯作鸞音

撰彭陽公誌文畢有感

延陵留素墓峴首送沉碑
敢伐不加點猶當

無端調日生終莫報九死諒難追待得生金
徒川原亦幾移

過故崔哀海宅與崔明秀才詰書因寄

舊僚杜趙李三掾

絳帳恩如昨烏衣事莫尋諸生空素業舊掾
已華簪共入留賓驛俱分市駿金莫憑無鬼
論終負託孤心

故番禺侯以賊罪致不辜他日過其門
飲鴆非君命茲身亦厚亡江陵從種橘交廣

今投香不見千金子空餘數仞墻殺人須顯戮誰舉漢三章

詠雲

捧月三更斷藏星七夕明纔聞飄迥路旋見隔重城潭幕隨龍起河鼓壓鴈聲只應唯泣玉知是楚宮名

夜出西溪

東府憂春盡西溪訝日曛月澄新漲水星見欲銷雲柳好休傷別松高莫出群軍書新倚

馬猶未嘗能文

九月於東逢雪

舉家忻共報秋雪
墮前峯嶺外他年
憶於東此日逢
粒輕還自亂花薄
未成重豈是驚離
髮應來洗病容

僧院牡丹

葉薄風纔倚枝輕
霧不勝花開如避
客色淺爲依僧粉
壁正蕩水綳幃初
卷燈傾城唯待笑
要裂幾多綰

送豐都李尉

萬古商於地憑君泣路歧
固難尋綺季可得
信張儀雨氣燕先覺
葉陰蟬遽知望鄉尤忌
晚山晚更參差

訪隱

路到層峯斷門依老樹開
月從平楚轉泉自
上方來薤白羅朝饌
松黃暖夜杯相留笑
孫綽空解賦天台

寓興

言集卷三
薄宦仍多病從知竟遠遊
詠諧叨客禮休澣
接冥搜樹好頻移榻雲奇不下樓
豈關無景物自是有鄉愁

歸來

舊隱無何別歸來始更悲
難尋白道士不見
惠禪師草徑虫鳴急沙渠鴈下遲
却將波浪眼清晚對紅梨

子直晉昌李花

吳館何時熨秦臺幾夜薰
綃輕誰解卷香異

自先聞月裏那無姊雲山亦有君樽前見飄
蕩愁極客襟分

寓目

園桂懸心碧池蓮飫眼紅此生真遠客幾別
即衰翁小幌風烟入高窓霧雨通新知他日
好錦瑟傍朱櫳

登霍山驛樓

廟列前峯迥樓開四望窮嶺巖嵐色外陂鴈
夕陽中弱柳千條露衰荷一向風壺闌有狂

言集卷之二
一六
孽連繼若生功

寄何水部馬郎中題興德驛時昭義已

平

仙郎倦去心鄭驛暫登臨水色瀟湘潤沙程
朔漠深鷁舟時往復鷗鳥自浮沉更想逢歸
鳥悠悠岳樹陰

朱槿花二首

蓮後紅何患梅先白莫誇纔飛建章火又落
赤城霞不卷錦步障未登油壁車日西相對

罷休澣向天涯

西北朝天路登臨思上才城闌烟草遍村暗
雨雲回人豈無端別猿應有意哀征南子更
遠吟斷望鄉臺

李商隱詩集卷第三

李商隱詩集卷第四

五言律詩

蠅蝶雞麝鳳等成篇

韓蝶翻羅幕曹蠅拂綺窓
雞迴玉勒融麝暖金釭
玳瑁明書閣琉璃冰酒釭
畫樓多有主鸞鳳各雙雙

和韓翃舍人即事

萱草含丹粉荷花抱綠房
鳥應悲蜀帝蟬是怨齊王
通內藏珠府應官解玉坊
橋南荀令

過十里送衣香

子直全溪作

全溪不可到
况復盡餘醅
漢苑生春水
昆池換劫灰
戰蒲知鴈唼
鰕月覺魚來
清興恭聞
命言詩未敢迴

越燕二首

上國社方見
此鄉秋不歸
爲矜皇后舞
猶有羽人衣
拂水斜文亂
銜花片影微
盧家文杏
好試近莫愁飛

將泥紅蓼岸得草綠楊村命侶添新意安巢
補舊痕去應逢阿母樂府詩東飛伯勞西飛
燕黃姑阿母長相見

來莫害皇孫記取丹山鳳今爲百鳥尊

無題二首

含情春日晚暫見夜闌千樓響將登怯簾烘
欲過難多羞釵上燕直愧鏡中鸞歸去橫塘
曉華星送寶鞍

照梁初有情出水舊知名裙挾芙蓉少釵橫
翡翠輕錦長書鄭重眉細恨分明莫近彈碁

局中心最不平

蝶三首

葉葉魚翻翻斜橋對側門蘆花惟有白柳絮
可能溫西子尋遺殿昭君怨故村年年芳物
盡來別敗蘭蓀

初來小苑中稍與瑣闌通遠恐芳塵斷輕憂
絕雪融只知防顥露不覺逆尖風回首雙飛
燕乘時入綺籠
飛來綉戶陰穿過畫樓深重傳秦臺粉輕塗

漢殿金相兼唯柳絮所得是花心可要凌敲
客邀爲子夜吟

落花

高閣客竟去小園花亂飛參差連曲陌迢迢
送斜暉腸斷頻來掃眼穿仍欲稀芳心向春
盡所得是沾衣

贈宗魯筇竹杖

大夏資輕策全溪贈所思靜憐穿樹遠滑想
過苔遲鶴怨朝還望僧閑暮有期風流真底

詩集卷四
事常欲傍清羸

李花

李徑獨來數愁情朝與懸白明無月夜強笑
欲風天減粉與園籜分香治渚蓮徐妃久已
嫁猶自玉爲鈿

壬申七夕

已駕七香車心心待曉霞風輕唯響珮日薄
不嬌花挂嫩傳香遠榆高送影斜成都過卜
肆曾妬識靈槎

雨

穢穢度瓜園依依傍竹軒
秋池不自吟風葉共成喧
日迫有時見簷高相續翻
侵宵送書鴈應爲稻梁恩

菊

暗暗淡淡紫融融冶冶黃
陶令籬邊色羅含宅裏香
幾時禁重露寔是怯殘陽
願泛金鸚鵡昇君白玉堂

北樓

春物豈相干人生只強歡
花猶曾飲夕酒竟不知寒
異域東風濕中華上象寬
此樓堪北望輕命倚危闌

擬沉下賢

千二百輕鷺春衫瘦著寬
倚風行稍急含雪語應難
帶火遺金斗兼珠碎玉盤
河陽看花過會不問潘安

曉坐一云後閣

後閣罷朝眠前墀思黯然
梅應未假雪柳自

不勝烟淚續淺深
綆腸危高下絃
紅顏無定
所得失在中年

判春

一桃復一李
井上占年芳
笑處如臨鏡
窺時不隱牆
敢言西子短
誰覺宓妃長
珠玉終相
類同明作夜光

荷花

都無色可並
不奈此香何
瑤席乘涼設
金羈落晚過
迴衾燈照綺
渡機水沾羅
預想前秋

夢滄浪更擢歌

曉起

擬盃當曉起呵鏡可微寒隔箔山櫻熟寒帷
桂燭殘書長爲報晚夢好更尋難影響輸雙
蝶偏過舊畹蘭

清河

舟小迴仍數樓危凭亦頻燕來從及社蝶舞
太侵晨絳雪除煩促霜梅取味新年華無一
事只是自傷春

壽安公主出降

媯水開真煖常山索鏡師昔憂迷帝力今分
送王姬事等和強虜恩殊睦本枝四郊多壘
在此禮恐無時

明禪師院酬從兄見寄

貞客嫌茲世會心馳本源人非四禪縛地絕
一塵喧霜露歆高木星河壓故園斯遊倘爲
勝九折幸迴轅

寄裴衡

別地蕭條極如何更獨來秋應爲紅葉雨不
厭青苔沈約只能瘦潘仁豈是才離情堪底
寄惟有吟於灰

即日

小苑試春衣高樓倚暮暉天挑唯是笑舞蝶
不空飛赤嶺久無耗鴻門猶合圍幾家綠錦
字含淚坐鴛機

淮陽路

荒村倚廢營投宿旅魂驚斷鴈高仍急寒溪

曉更清昔年嘗聚盜此日頗分兵猜貳誰先
致三朝事始平

風

迥拂來鴻急斜催別燕高已寒休慘淡更遠
尚呼號夢色分西塞夷音接下牢歸舟天外
有一戒淚濤濤

洞庭魚

洞庭魚可拾不假更垂罾聞若雨前蟻多於
秋後蠅豈思鱗作鱗仍計腹爲燈浩蕩天池

路翱翔欲化鵬

喜舍弟義叟及第上禮部魏公

國以斯文重公仍內署來風標森太華星像
逼中台朝播遷鶯侶門多吐鳳才寧同魯司
寇惟鑄一顏回

哀箏

延頸全同鶴柔腸素怯猿湘波無限淚蜀魄
有餘冤輕憶無長道哀箏不出門無由問香
火翠幕自黃昏

自南山北歸徑分水嶺

水急愁無地山深故有雲
那通極目望又作
斷腸分鄭邑來雖及燕臺哭不聞
猶餘遺意在許刻鎮南勳

深樹花一顆櫻桃尚在

高桃照曉霞尋得小庭南
矮隨綠雲鬢歌危
紅玉參將堪充鳳食
痛已被驚全越鳥誇香
荔齊民亦未可

過姚孝子廬偶書

拱木臨周道荒廬積古苔魚因感姜出鶴爲
吊陶來兩鬢蓬常亂雙眸血不開聖朝呼爾
類非獨路人哀

小桃園

竟日小桃園休寒亦未喧坐鶯當酒重送客
出牆繁啼久艷粉薄舞多香雪翻猶憐未缺
月先出照黃昏

和張秀才落花有感

晴暖感餘芳紅苞雜絳房落時猶自舞掃後

更聞香夢罷收羅薦仙歸勅玉箱迴腸九迴
後猶有剩迴腸

昭肅皇帝挽歌詞三首

九縣懷雄武三靈仰睿文周王傳叔父漢后
重神君王律朝驚露金莖夜切雲笳蕭悽欲
斷無復詠橫汾

玉塞驚宵柝金橋罷舉烽始巢阿閣鳳旋駕
鼎湖龍門咽通神鼓樓凝警夜鐘小臣觀言
從猶誤欲東封

莫驗昭華館虛傳甲帳神海遯求藥使雲隔
獻桃人桂寢青雲斷松扉白露新萬方同象
鳥舉慟滿秋塵

齊梁晴雲

緩緩煙波起低隨柳線飄故臨飛閣度欲入
迴陂銷縈歌憐盡扇敲景弄柔條更耐天南
位牛渚宿殘宵

所居

窓下尋書細溪邊坐石平水風醒酒病霜日

曝衣輕雞黍隨人設蒲魚得地生前賢無不
謂客易即遺名

高松

高松出衆木伴我向天涯客散初晴後僧來
不語時有風傳雅韻無雪賦幽姿上藥終相
待他年訪伏龜

訪秋

酒薄吹還醒樓危望已窮江臬當落日帆席
見歸風炬帶龍潭白霞分鳥道紅殷勤報秋

意祗是有丹楓

韶州

挂水春遊早韶州日正西
虎當官路闢猿上驛樓
啼繩爛金沙井松乾洞乳
梯鄉音偏可駭仍有醉如泥

裴明府居止

愛君茆屋下向晚水溶溶
試墨書新竹張琴和古松
坐來聞好鳥歸去度踈鐘
明日還相見橋南貰酒濃

陸發荆南始至商洛

昔去真無素今還實自知
青辭木奴橘紫見地仙芝
四海秋風濶千岩暮景遲
向來憂際會猶有五湖期

樂遊原

春夢亂不記春原登已重
青門弄煙柳紫閣舞雲松
拂硯輕冰散開樽綠酎濃
無悰託詩遣吟罷更無悰

贈子直花下

詩集卷四
池光忽隱墻花氣亂侵房屏綠蝶留粉窻油
蜂印黃官書推小吏侍史從清郎並馬更吟
去尋思有底忙

小園獨酌

柳帶誰能結心期未肯開空餘雙蝶舞竟絕
一人來半展龍鬚席輕斟馬瑙盃年年春不
定空信歲前回

思歸

園有樓堪倚尊無酒可傾嶺雲春沮洳江月

夜清明魚亂書何託猿哀夢亦驚舊居連上苑時節正迂鶯

向晚

營風橫去牕臨水卷空帷北土鞦韆罷南朝
紫襖歸花情羞脉脉柳意悵微微莫歎佳期
晚佳期自古稀

春遊

橋峻班駝疾川長白鳥高烟輕暖潤柳風濫
欲吹桃徙倚三層閣摩挲七寶刀庾郎年景

詩集卷四
十二
少青草妬春袍

離席

出宿金樽掩從公玉帳新
依依向餘照遠遠隔芳塵
細草翻驚鴈殘花伴醉人
楊朱不用慟只是更沾巾

俳諧

短顧何由遂遲光且更驚
鶯能歌子夜蝶解舞宮城
柳訝眉傷淺桃猜粉太輕
年華有情狀吾敢恡生平

細雨

蕭洒傍迴汀依微過短亭氣涼先動竹點細
未開萍稍促高高燕微踈的的螢故園烟草
色仍近五門青

商於新開路

六百商於路崎嶇古共聞蜂房春欲暮虎塞
日初曛路向泉間辨人從樹杪分更誰開捷
徑速擬上青雲

題鄭大有隱居

言集卷四
結構何峯是喧閑此地分石梁高瀉月樵路
細侵雲偃卧蛟螭室希夷鳥獸群近知西嶺
上王管有時聞

君居近子
晉懋鶴臺

江上

萬里南來地清江北望樓雲通梁苑路月帶
楚城秋刺字從漫滅歸途尚阻脩前程更烟
水吾道豈淹留

涼思

客去波平檻蟬休露滿枝求懷當此節倚立

自移時北斗兼春遠南陵寓候遲天涯占夢
數疑誤有新知

鸞鳳

舊鏡鸞何處衰桐鳳不棲金錢饒孔雀錦段
落山雞王子調清管天人降紫泥豈無雲路
分相望不應迷

因言

絕徼南通棧孤城北枕江猿聲連月檻鳥影
落天窻海石分碁子郢筒當酒缸生歸話辛

苦別夜對銀缸

奉寄安國大師兼簡子蒙

憶昔蓮花座兼聞貝葉經
岩光分蠟屐澗響入銅絃
日下徒推鶴天涯正對螢
魚山羨曹植春屬有文星

思賢頓

內殿張絃管中原絕鼓鼙
舞成青海馬闐殺汝南雖
不見華胥夢空聞下蔡迷
宸襟他日淚薄暮望賢西

有懷在家溫飛卿

薄宦頻移疾當年久索居
哀同庾開府瘦極沈尚書
城綠新陰遠江清返照虛
所思惟翰墨從古待雙魚

春深脫衣

何時粉署仙傲兀逐戎旃
閑塞由傳箭江湖莫繫船
欲收碁子醉竟把釣車眠
謝眺真堪憶多才不忌前

五月六日夜憶往歲秋與澈師同宿

紫閣相逢處丹岩擬宿時
墮蟬翻敗葉栖鳥定寒枝
萬里飄流遠三年問訊遲
炎方憶初地頻夢碧琉璃

城上

有客虛投筆無憊獨上城
沙禽失侶遠江樹著陰輕
邊遽稽天討軍須竭地征
賈生遊刃極作賦又論兵

如有

如有瑤臺客相逢復索歸
芭蕉開綠扇菡萏

薦紅衣浦內傳聲遠煙中結響微良宵一寸
艷回首是重幃

昔昌晚歸馬上贈

勇多侵路去恨言礙燈還嗅自微微白看成
杳杳殷坐來疑物外歸去有簾間君問傷春
句千詞不可刪

李商隱詩集卷第四

李商隱詩集卷第五

五言排律

武侯廟古柏

蜀相階前柏，龍蛇捧闕宮。
陰成外江畔，老向惠陵東。
大樹思馮異，甘棠憶召公。
葉凋湘燕雨，枝折海鷗風。
王壘經綸遠，金刀歷數終。
誰將出師表，一爲問昭融。

戲贈張書記

別館君孤枕，空庭我閉關。
池光不受月，野氣

欲沉山星漢秋方會關河夢幾還驚絃傷遠
道明鏡惜紅顏古木含風久平蕪盡日閒心
知兩愁絕不斷若連環

西谿

悵望西谿水潺湲奈尔何不驚春物少只覺
夕陽多色染妖嬌柳光含窈窕羅人間從到
海天上莫爲河鳳女彈瑤瑟龍孫撼玉珂京
華他夜夢好好寄雲波

和孫朴韋淡孔雀詠

此去三梁遠今來萬里壻西施因網得秦客
被花迷可在青鸚鵡非關碧野雞約眉憐翠
羽刮膜想金篦瘡氣籠飛遠蠻花向坐低輕
於趙皇后貴極楚懸黎都護矜羅幕佳人炫
繡桂屏風臨燭釵捍撥倚香臍舊思牽雲葉
新愁待雪泥愛堪通夢寐畫得不端倪地錦
排蒼鴈簾釘鏤白犀曙霞星斗外涼月露盤
西妬好休誇舞經寒且少啼紅樓三十級穩
穩上丹梯

商於

商於朝雨霽歸路有秋光背塢猿收果投岩
麝退香建瓴真得勢橫戟豈能當割地張儀
詐謀身綺李清長渠州外月黃葉廟前霜今
日看雲意依依入帝鄉

酬令狐郎中見寄

望郎臨古郡佳句洒丹青應自丘遲宅仍過
柳惲汀封來江渺渺信去雨冥冥勾曲聞仙
訣臨川得佛經朝吟摺客枕夜讀漱僧瓶不

見銜蘆鴈空流腐草螢土宜悲坎井天怒識
雷霆象卉分疆近蛟涎浸岸腥補羸貪紫桂
負氣託青萍萬里懸離抱危於訟閤鈴

碧瓦

碧瓦銜珠樹紅輪結綺寮無雙漢殿鬢第一
楚宮腰霧唾香難盡珠啼冷易銷歌從殷閤
學酒是蜀城燒柳暗將翻卷荷欹正抱橋金
轅開道入金管隔隣調夢到飛魂急書成即
席遙河流衝柱轉海沫近槎飄靈市蟬夷甲

已賓翡翠翹他時未知意重疊贈妖嬌

玄微先生

仙翁無從所時入一壺藏夜夜桂露濕村村
桃水鄉醉中拋浩劫宿處起神光藥裏丹山
鳳碁函白石郎弄河移砥柱吞日倚扶桑龍
竹裁輕策鮫絲熨下裳側栽喧漢帝橋板笑
秦皇徑欲隨關令龍沙萬里強

謝先輩防記念拙詩甚多異日偶有此寄
曉用雲添句寒將雪命篇良辰多自感作者

豈皆然熟寢初同鶴含嘶欲並蟬題時長不
展得處定應偏南浦無窮樹西樓不住煙改
成人寂寂寄與路縣縣星勢寒垂地河聲曉
上天夫君自有恨聊借此中傳

別薛若賓

曙爽行將拂晨清坐欲凌別離其不那風物
正相仍漫水任誰照衰花殘自矜還將兩袖
淚同向一窗燈桂樹乖真隱芸香是小懲清
規無以況且用玉壺冰

腸

有懷非惜恨不奈寸腸何即席迴彌久前時
斷固多熱麼翻急燒冷欲徹空波隔樹澌澌
雨通池點點荷倦程山向背望國關嵯峨故
念悲書及新歡惜夢過染筠休伴淚繞雪莫
追歌擬問陽臺事年深楚語訛

杏花

上國昔相值亭亭如欲言異鄉今暫賞脉脉
豈無恩援少風多方墻高月有痕圖含無恨

意遂對不勝繁仙子玉京路主人金谷園幾
時辭碧落誰伴過黃昏鏡拂鉛華膩爐藏桂
燼溫終應催竹葉先凝詠桃根莫舉啼成血
從教夢寄魂昆丘採香徑失路入煙村

燈

皎潔終無倦煎熬亦自求花時隨酒遠兩夜
背窓休公暗黃茅驛暄明紫桂樓錦囊名盡
掩玉局敗棊收何處無佳夢誰人不隱憂
隨簾押轉光信筆文流客自勝潘岳儂今定

莫愁固應留半焰迴照下幃羞

獨居有懷

麝重愁風逼羅疎畏月侵怨魂迷恐斷嬌喘
細疑沉歎急芙蓉帶頻抽翡翠簷柔情終不
遠遙妬已先深浦冷鴛鴦去園空蛺蝶尋蠟
花長迹淚華柱鎮移心覓使嵩雲暮迴頭滿
岸陰只聞涼葉院露井近寒砧

酬別令狐補闕

惜別莫仍半迴途秋已期那修直諫草更賦

贈行詩錦段知無報青萍肯見疑人生有通
塞公等繫安危警露鶴辭侶吸風蟬抱枝彈
冠如不問又到掃門時

有感二首

乙卯年有感
丙辰年詩成

九服歸元化三靈叶睿圖如何本初輩自取
屈覽誅有甚當車泣因勞下殿趨何成奏雲
物直是減荏蒲證逮符書密辭連性命俱竟
緣尊漢相不早辨胡雛鬼錄今朝部軍烽照
上都敢云堪慟哭未竟怨洪爐

丹陛猶敷奏彤庭歟戰爭臨危訪盧植

是晚召

故相彭陽公入始悔用龐萌御仗收前隊兵徒劇背

城蒼黃五色棒掩遏一陽生古有清君側今

非之老成素心雖未易此舉太無名誰與銜

冤目寧吞欲斷聲近聞開壽宴不廢用咸英

崇讓宅東亭醉後有作

曲岸風雷罷東亭霽日涼新秋仍酒困幽興

暫江鄉搖落真何遽交親或未亡一帆彭蠡

月數鴈塞門霜俗態能多慮仙標發近狂聲

名佳句在身世玉琴張萬古山空碧無人髮
貌黃驂騮憂老大鷓鴣妬芬芳密竹沉空籟
孤蓮泊晚香如何此憂勝淹臥劇清漳

即日

地寬樓已迥人更迥於樓細意經春物傷醒
屬暮愁望賒殊易斷恨久欲難收大執真無
利多情豈自由空園兼樹廢敗港擁花流書
去青楓驛鴻來杜若洲單栖應分定辭疾索
難憂更替林鴉恨驚風去不休

鏡檻

鏡檻芙蓉入香臺翡翠過撥絃驚大鳳交扇
拂天鵝隱忍陽城笑喧傳郢市歌仙眉瓊作
葉佛髻鈿爲螺五里無因霧三秋只見河月
中供藥剩海上得銷多玉集胡沙割犀留聖
水磨斜門穿戲蝶小閣鎖飛蛾騎檐侵轆轤
車帷約幃鉞傳書兩行鴈取酒一封駝橋迥
涼風壓溝橫夕照和待烏燕太子駐馬魏東
阿想像鋪芳綉依稀解醉羅散時簾隔露卧

後幕生波。綈穩從攀桂。弓調任射莎。豈能拋
斷夢。聽鼓事朝珂。

聖女祠

杳藹逢仙跡。蒼茫滯客途。何年歸碧落。此路
向皇都。消息期青雀。逢迎異紫姑。腸迴楚臺
夢。心斷漢宮巫。徒騎戟寒竹。行車蔭白榆。星
娥一去後。月姊更來無。寡鵲迷蒼壑。羈鳳怨
翠梧。唯應碧桃下。方朔是狂夫。

魏侯第東北樓堂。郢叔言別聊用書所

見成篇

暗樓連夜閣不擬爲貴客未必斷別淚何曾
妨夢魂疑穿花逕迤漸近火磨溟海底翻無
水仙家却有村鎮香金屈戒帶酒玉崑崙羽
白風交扇冰清玉印盆舊歡塵自積新歲電
猶奔霞綺空留段雲峯不帶根念君千里舸
江草漏燈痕

靈仙閣晚眺寄鄆州韋評事

愚公方在谷仁者本依山共誓林泉志胡爲

樽俎間華蓮開齒苞荆玉刻孱顏爽氣臨周
道風光出漢閨滿壺從蟻泛高閣已苔斑想
就安車召寧期負笑還潘遊金壁散郭去半
舟閑定笑幽人迹鴻軒不可攀

賦得月照冰池

皓月方離海堅冰正滿池金波雙激射壁彩
兩參差影占徘徊處光含的皪時高低連素
色上下接清規顧兔飛難定潛魚躍未期鵲
驚俱欲遠孤听始無疑似鏡將盈手如霜恐

透肌獨憐遊翫意達曉不知疲

永樂縣所居一草一木無非自我今年
仲春悉芳已茂自書即事一章

手種悲陳事心期翫物華柳飛彭澤雪桃散
武陵霞枳嫩棲鸞葉桐香待鳳花綬藤縈弱
蔓袍草展新芽學植功雖倍成蹊跡尚賒芳
年誰共翫終老邵平瓜

南潭上亭讌集以疾後至因而抒情

馬卿聊應召謝傳已登山歌發百花外樂調

深竹間鷓鴣舟繫遠岸魚鱗啓重關鶯蝶如相
引煙蘿不暇攀佳人啓玉齒上客領朱顏肯
念沉痾士俱期倒載還

搖落

搖落傷年日羈留念遠心水亭吟斷續月幌
夢飛沉古木含風久踈螢怯露深入閑始遙
夜地迥更清礎結撰曾傷晚端憂復至今未
請蒼海路何處玉山岑灘激黃牛暮雲屯白
帝陰遙知露洒意不減欲分襟

念遠

日月淹秦甸江湖動越吟
蒼梧應露下白閣
自雲深皎皎非鸞扇
翹翹失鳳簪
床空鄂君被
杵冷女鬢砧
北思驚沙鴈
南情屬海禽
關山已搖落
天地共登臨

賦得桃李無言

夭桃花正發
穠李蕊芳繁
應候非爭艷
成蹊不在言
靜中霞暗吐
香處雪潛翻
得意搖風態
含情泣露痕
芬芳光上苑
寂寞委中園
赤

白徒自許幽芳誰與論

喜雪

朔雪自龍沙呈祥勢可嘉
有田皆種玉無樹不開花
班扇慵裁素曹衣詎比麻
鵝歸逸少宅鶴滿令威家
寂寞門扉掩依稀履跡斜
人疑遊麴市馬似困鹽車
洛水妃虛妬姑山客漫誇
聯詞追許謝和曲本慙巴
粉署闌全隔霜臺路漸賒
此時傾賀酒相望在京華

哭遂州蕭侍郎二十四韻

遙作詩多難先令禍有源初驚逐客議旋駭
黨人冤密侍榮方入司刊望愈尊皆因優詔
用實有諫書存芒霧三辰沒窮陰四塞昏虎
威孤更假隼擊鳥愈喧徒欲心存闕終遭耳
屬垣遺音和蜀魄易簧對巴猿有女悲初寡
無男泣過門公止裴氏一女結縭朝爭屈原
草廟餒莫教魂迥閣傷神峻長江極望翻青
雲寧寄意白骨始霑恩早歲思東閣爲邦屬
故園余初謁於鄭舍登升慙郭泰解榻愧陳蕃分以

忘年契情猶錫類敦公先真帝子我系本王
孫嘯傲張高蓋從容接短轅秋吟小山桂春
醉後堂萱自嘆離通籍何嘗忘叫閭不成穿
墻入終擬上書論多士還魚貫云誰正駿奔
暫能誅倏忽長與問乾坤蟻漏三泉路螳啼
百草根始同知奉講微福是虛言

李商隱詩集卷第五

言集卷五

二二

卷之四

卷之五

國朝

卷之六

三